

DJI N'SÉ NÉN POKWÈ MINS mi vl'a-t-a sondjî à Fèly Ropsy (k'estéve asséz capâbe è walon po z-è dauborer sès lètes) èt k'avéve kité s' boune vile di Nameûr, ki “lès pavès s'î solèvîne po lî poker s' vizâdje”. Vola don, à m' môde, è bistoke on **ètermint walon**. Bén sûr il èst à trwès tchivaus mins po l' lisso dèz priyîs au raplou pa l' famile dji m' va vos lèyî à vos tûzâdjes.

*

GRÎJÈLÈTE (à l' après d' Pèrôlt)

(vèyèz l' èdaumâdje à l' pâdje 54)

“Vos-èstoz la bén tchauds, audjourdu,
A m'èburtaker dins lès loyins do mariâdje.
Dj'è seû bén binauche mins, po l' disdu,
Dji n' pinse nén awè l' âdje;
C'ki vos vloz mi r'muwe,
Èt dji voréve bén tot d'chûte m'î mète;
Mins, à m'n'idîye, po l' î mète,
Au d'pus l'ome à sogne, au d'pus i suwe.

On saye di continuwer à tot comachî...

Rwêtoz bén totès lès bauchèles,
 Dins leû famile, èles font bëbèle,
 Èles sont bounes èt bén sériyeuses,
 Lès ouy bachîs èles sont piyeûses,
 Mins, l'avni tot waranti,
 A pwinne l'ania au dwèt,
 Èles kandjenut rwèd.

Si èles vos ont trové bén nanti
 N'sayoz pus d' vos apèzanti.
 Lèyîz lî vos-abondrwêts,
 C'est asteure zèles ki z-î ont drwèt.
 Trop taurd po vos-è ripinti.

Iène, todi mau toûrnêye, pus pont d'
 invîyes,
 I gn'a k'a l'èglîje, kéke fîye,
 Kèle si djoke di vos bwêrler,
 L' ôte si daubore li vizâdje
 Po dmèrer à todi pus djonne ki s' n'âdje
 Èt n'ratin wêre po vos fé pwârter
 Ène tote bèle cope di cwanes.
 Ct'èle ci, do tèyâte rafîye,
 S'mèle di tot, spèpiye
 Lès mèyeus dês ôteus,
 Èt rwête lès-ôtes d' tote si wôteû.
 C't'èle la d' djouwer s' raflate
 Mins sogne vos claus avou dèl flate.
 (à shûre...)

*

A r'lire "Après Trwès ans", da Pol Verlinne, î nawî èt s'î nèyî :


BÉN DÈS ANÊYES PUS TAURD.

Abroké pa l' sitrwèt uch ki balzine
 Dj'm'a pormwinrné èl mossè corti,
 Dins l' ombe d'on flauwe solia, trop ptit,
 È l'fleûr èwisse au laudje po l' rapine.

A-dj' kandjî ? A, m' rimète s'bèle mine,
 Li sètche ièbe, lès fouyes frochîyes, l'
 anuî,
 Sès tchaudès lèbes, sès nonna-don, sès
 k'nèni. Oufti,
 Kè bén ! Faléve-t-i k' èle s' è chagrine ?

L' rôse a rodji, fani, clincî, fé s' tins;
 Lès bias lilas spaurdus pau vînt.
 Dji n'a pus d'sé po chake moxhon ki passe.

Vèyèz-l', racrapotêye, l' blanke Nicole,
 Aspouyê dsus s' bordon, s'ripwasse.
 Dji passe oute. È m'boche on mwê goût d'
 vîye role.



On saye di continuwer à tot comachî...